

## Rietvallei deelname aan die Helpende Hand Kersgeskenke projek in die Emmanuel gemeente (Rayton)

Ons het hierdie jaar nie net bygedra tot die aflewer van gebruikte klere en artikels aan Helpende Hand nie, maar het vir die eerste keer as 'n streek betrokke geraak met die uitreik na behoeftige kinders.

Dertien SAWA Rietvallei lede en twee privaat individue het ywerig bygedra tot geskenke asook kontant (waarmee bestuur namens die lede aangekope gedoen het).

Sodoende het ons op 26 November 2014 die volgende aan Elize Bezuidenhout (Solidariteit Helpende Hand, Andeon tak) oorhandig wat dus ongeveer 66% van die kinders op die lysies se ogies sal laat skitter op Kersdag:

Seuns alle ouderdom	38 geskenke
Dogters alle ouderdom	88 geskenke
Pasgebore – 1maand	06 baba truie

**Totaal 132**

Die geskenke is aan die hand van die 198 kinders se wenslysie voorsien, en dit wissel vanaf albasters, karre, 'n wekker, 'n draagbare radio, Barbiepoppe, teddies, plaasdiere, brandweerwa, kledingstukke, juwele, skryfbehoeftes, plakkies, sput- en badgoed asook handroom, haarknippies en rekkies asook vele ander items.

***Ek wil dus hiermee ook my dank uitspreek aan Helpende Hand Andeon tak wat ons behulpsaam was en die geleentheid gegee het om deel te neem, asook natuurlik, almal wat bygedra het, dit was voorwaar 'n plesier om hieraan deel te neem, pakkies toe te draai en om hierdie aflewering te maak!***

Groete,

Tjaart





Van die geskenke.



Elize Bezuidenhout (Solidariteit Helpende Hand, Andeon tak)  
neem die geskenke in ontvangs.

26 November 2014

HEIL DIE LESER

RE: Kersprojek Emmanuel Gemeente, Rayton.

Hiermee wil Solidariteit Helpende Hand, Andeon tak, Rietvallei Streek erkenning gee vir hulle onbaatsugtige bydrae tot Solidariteit Helpende Hand se kersprojek te Emmanuel Gemeente.

Kersfees is 'n tyd spesiale tyd vir omgee maar ookom Jesus se geboorte te vier. Julle omgee-harte maak hierdie tyd so kosbaar vir hierdie kinders en ons weet dat ieder en elk van hulle ook met glimlaggies en blinkogies, en opgewonde laggies gaan opstaan die oggend.


As streek het julle 'n ongelooflike 132 geskenke by mekaar gekry om hierdie minder bevoorregte kinders se Kerstdy ook spesiaal te maak.

Dankie is partykeer so 'n onbenullige woordjie, maar wees asseblief verseker dat ons hierdie dankie uit ons harte uit bedoel vir julle.

Dis vir ons as Andeon tak, 'n voorreg en eer om saam met julle te werk.

Ons wens vir julle is dat julle elke dag in oorvloed sal ontvang, net soos julle in oorvloed gee.

Vriendelike Helpende Hand Groete



Elize Bezuidenhout  
Solidariteit Helpende Hand  
Andeon-tak



**TASBARE TOEKOMS**

4 500 kinders begin hul skoolloopbaan jaarliks sonder 'n skoltas. Jy kan 'n kind se toekomsdrome waar maak! Skenk 'n tas teen slegs R200.

SMS "tassie" na 38969 en skenk R10 of skenk by [www.tassie.co.za](http://www.tassie.co.za)